



Stigen Gård v/Morten Stigen
Dag Hammerskjøldsvei 86
5144 FYLLINGSDALEN

Løyve til utsetting av fjelledelgran og koreaedelgran

Stigen gard v/Morten Stigen får løyve til utsetting av fjelledelgran og koreaedelgran på gnr. 80 bnr. 2 i Bergen kommune. Det er knytt vilkår til løyvet.

Vi viser til din søknad datert 13. mars om utsetting av fjelledelgran og koreaedelgran til juletreproduksjon på gnr. 80 bnr. 2 i Bergen kommune.

Innhald i søknaden

Det er søkt om å plante 400 fjelledelgran (*Abies lasiocarpa*) og 400 koreansk edelgran (*Abies koreana*) på 2 daa av gnr 80 bnr. 2 i Bergen kommune. Arealet var tidlegare beitemark som er tilgrodd etter å ha vore ute av drift i om lag 40 år. Utsettinga er del av ein større plan for å ta opp at drifta på bruket.

Fylkesmannens vurdering

Søknaden er handsama etter forskrift om utsetting av utanlandske treslag til skogbruksformål, med heimel i naturmangfaldlova. Ved utøving av offentleg mynde som kan påverke naturmangfaldet skal prinsippa i naturmangfaldlova §§ 8-12 ligge til grunn for sakshandsaminga, jf. § 7.

Informasjon i søknaden, kunnskap om fjelledelgran frå Artsdatabanken og registrerte førekomstar av trua artar og naturtypar frå Naturbase og Artskart ligg til grunn for handsaminga, jf. naturmangfaldlova § 8. Kunnskapen om spreiding av koreaedelgran er mangelfull og føre-var-prinsippet i naturmangfaldlova § 9 er difor tillagt vekt i saka.

Fjelledelgran og koreansk edelgran er ikkje oppført på svartelista og er vurdert til kategorien låg økologisk risiko av Artsdatabanken. Fjelledelgran set frø ved 30-40 års alder og planting av dette treslaget vil difor ikkje innebere spreingsfare når dei skal nyttast i juletreproduksjon og skal hoggast før dei blir føresetjande.

Koreaedelgran kan sette frø så tidleg som etter fem år, og det dokumentert eit tilfelle av spreiding i Rogaland. Artsdatabanken skriv at spreiding av planta koreaedelgran kan resultere i ein forvilla populasjon i Noreg, men at treslaget er planta i så lite omfang at det ikkje utgjør nokon stor økologisk risiko. Koreaedelgran er difor ikkje realitetsvurdert av Artsdatabanken.

For å redusere faren for spreiding av koreaedelgran vil det bli sett eit vilkår om felling innan trea når 10 års alder, jf. naturmangfaldlova § 9.

Det er ikkje registrert trua artar eller naturtypar i eller grensande til utsettingsområdet. Faren for spreiding frå feltet blir handtert gjennom vilkåra til løyvet. Tiltaket vil difor i liten grad bidra til å auke den samla belastninga frå framande bartre i området, jf. naturmangfaldlova § 10. Omfanget av tiltaket er lite, og vi meiner difor at det ikkje er grunn til å anta at utsettinga vil medføre vesentlege uheldige følgjer for naturmangfaldet, jf. utsettingsforskrifta § 7.

Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette, jf. naturmangfaldlova § 11.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gir dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel og gjødsel, har vi ikkje spesielle merknadar til dette i denne saka.

Vedtak

Stigen gard v/Morten Stigen å plante 400 fjelledelgran og 400 koreaedelgran på gnr. 80 bnr. 2 Bergen kommune. Det er knytt vilkår til løyvet:

- Løyvet gjeld områda avteikna på kartvedlegget til søknaden.
- All fjelledelgran må hoggast før trea set frø.
- All koreaedelgran må hoggast innan ti år frå dei vart planta.
- Det må etablerast rutinar for internkontroll etter § 10 i forskrifta.
- Det skal førstast logg over produksjonen der tal på tre, treslag og årstal for planting kjem fram.
- Dette dokumentet må gjerast kjent og bli overført til ny grunneigar ved eventuelt eigarskifte.
- Dersom juletreproduksjonen blir avvikla må alle trea hoggast.

Vedtaket er heimla i forskrift om utsetting av utanlandske treslag.

NB!

Eit løyve gitt i medhald av forskrift om utsetting av utanlandske treslag til skogbruksformål gir ikkje automatisk omdisponering av dyrka og dyrkbar mark til skogproduksjon. Ved spørsmål om omdisponering kan du kontakte kommunen.

Klagerett

Alle med rettsleg klageinteresse kan klage på vedtaket innan tre veker, jf. forvaltningslova §§ 28 og 29. Klagen skal stilast til Miljødirektoratet, men sendast til Fylkesmannen i Hordaland.

Med helsing

Olav Overvoll
seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.